

INFORMACIJA O AKTIVNOSTIMA
OPĆINSKE IZBORNE KOMISIJE NOVO SARAJEVO ZA PERIOD
01. JANUAR -31. MART 2026. GODINE

Na osnovu članova 29. i 30. Poslovnika o radu Općinske izborne komisije Novo Sarajevo (izborne komisije osnovne izborne jedinice 139A) broj: 02OV-01-1-6762/23-1 od 25. augusta 2023. godine, rad Općinske izborne komisije Novo Sarajevo (Izborna komisija) je javan, dok se javnost rada osigurava i saopćenjima o aktivnosti Izborne komisije.

U periodu od 01.01.2026.-31.03.2026. godine Izborna komisija je obavljala poslove i zadatke iz svoje nadležnosti, a koje su utvrđeni Izbornim zakonom BiH i podzakonskim aktima Centralne izborne komisije BiH (CIK BiH).

U navedenom periodu održane su **4 sjednice OIK NS**, i to 3 redovne i 1 korespondentna/elektronska.

SJEDNICE OIK NS U PERIODU OD 01.01.2026. – 31.03.2026 godine			
R.Br	Mjesec	Broj održanih sjednica	Datum održane sjednice
1.	Januar	2	08.01.2026. i 22.01.2026. godine
2.	Februar	1	05.02.2026. godine
3.	Mart	1	07.03.2026. godine
Ukupno	3	4	01.01.2026-31.03.2026. godine

I- AKTIVNOSTI OPĆINSKE IZBORNE KOMISIJE NOVO SARAJEVO
RAZVRSTANE PO MJESECIMA

Januar 2026. godine

Izborna komisija je u mjesecu januaru održala 2 sjednice (08.01. i 22.01.2026. godine) na kojima je pored redovnih aktivnosti koje su se odnosile na usvajanje zapisnika sa prethodnih sjednica OIK NS i usvajanje Izvještaja o radu za mjesec decembar, pripremila i usvojila i sljedeće Izvještaje:

- Izvještaj o radu Općinske izborne komisije Novo Sarajevo za 2025. godinu;
- Izvještaj o radu, nadgledanju i kontroli Centra za birački spisak (CBS) za 2025. godinu.

Izborna komisija je tokom mjeseca januara 2026. godine, postupajući po aktu CIK BIH broj: 06-1-07-1-1226-1/25 od 24.12.2025. godine vršila prikupljanje podataka o raspoloživosti potrebnog kadra za angažman u izornoj administraciji Bosne i Hercegovine, te prikupljene podatke dostavila CIK BIH. Također, postupajući po zaprimljenim aktima CIK BIH, putem sredstava informisanja (web stranice Općine, službenim mrežama koje ima Općina Novo Sarajevo (facebook, instagram...), ***objavljeni su Javni poziv za prijavu kandidata za predsjednike/zamjenike predsjednika biračkih odbora, kao i Javni oglas za imenovanje instruktora za obuku kandidata za predsjednike/zamjenike predsjednika biračkih odbora u Bosni i Hercegovini.***

Predsjednica OIK NS Jasna Nikšić i članovi OIK NS Srđan Lazar i Harun Išerić su dana 28.01.2026. godine u Mostaru ***prisustvovali obuci instruktora za predsjednike/zamjenike predsjednika biračkih odbora u Bosni i Hercegovini.***

Februar 2026. godine

Tokom mjeseca februara Izborna komisija je prvog četvrtka u mjesecu februaru (05.02) obilježila Svjetski dan izbora. Tim povodom, organizovala je Dan otvorenih vrata sa ciljem informisanja i upoznavanja zainteresovanih građana, a posebno mladih, sa cjelokupnim izbornim procesom, te podizanje svijesti o važnosti izlaska na izbore aktivnog korištenja biračkog prava. Izborna komisija je u mjesecu februaru pripremila i usvojila ***Plan rada Općinske izborne komisije Novo Sarajevo za 2026. godine.*** Navedeni Plan rada je nakon usvajanja objavljen na web stranici Općine Novo Sarajevo. Za potrebe održavanja obuka za predsjednike/zamjenike predsjednika biračkih odbora Izborna komisija je radila na obezbjeđenju materijalno-tehničkih i prostornih uslove, što je podrazumjevalo obezbjeđenje adekvatne prostorije za obuku, kapaciteta do 50 sjedećih mjesta. Nakon što je obezbijedila potrebno blagovremeno je obavijestila CIK BIH.

Mart 2026. godine

U mjesecu martu 2026. godine Izborna komisija je održala jednu sjednicu i to dana 07.03.2026. godine. Dana 14. i 15.03.2026. godine /subota i nedjelja/ u sali Općinskog vijeća Novo Sarajevo održala se obuka za predsjednike/zamjenike predsjednika biračkih odbora.

Dana 27.03.2026. godine u organizaciji Misije OSCE i CIK BiH održan je projekat ***Prvi put na izbore – „Izborni sistem u BiH“***, a ispred Izborne komisije Novo Sarajevo kao predstavnik je prisustvovao član Srđan Čalija.

Izborna komisija je tokom mjeseca marta vršila pripremne radnje za donošenje Odluke o određivanju i pridruživanju ulica biračkim mjestima, kao i analize za potrebe revizije Poslovnika o radu Općinske izborne komisije Novo Sarajevo, koje su planirane za mjesec april. Također, Izborna komisija je tokom mjeseca marta informisala putem dopisa Općinsku načelnicu kao rukovodioca Općinskog organa uprave da će uposlenik Centra za birački spisak, gospodin Nihad Pehlić, raspoređen na radno mjesto Viši referent za operativno tehničke poslove Općinskog vijeća i administrativne i druge poslove Općinske izborne komisije u skorijem periodu ostvariti pravo na odlazak u penziju, te da je veoma važno da se pravovremeno pristupi planiranju popune navedenog radnog mjesta, istaknuto je i da je kontinuirano i nesmetano funkcionisanje Centra za birački spisak od izuzetnog značaja za uredno vođenje biračkog spiska i provođenje svih aktivnosti vezanih za izborni proces.

Politika javnosti i transparentnosti: Općinska izborna komisija podsjeća da je njen rad javan i transparentan, u skladu sa Izbornim zakonom, podzakonskim aktima Centralne izborne komisije BiH i Poslovníkom o radu Općinske izborne komisije. Informacije o aktivnostima Općinske izborne komisije redovno i blagovremeno se objavljuju na web stranici Općine Novo Sarajevo, dok su njene sjednice, u pravilu, otvorene za javnost.